

ssce
CYMRU



SUPPORTING SERVICE CHILDREN
IN EDUCATION IN WALES

CEFNOGI PLANT MILWYR MEWN
ADDYSG YNG NGHYMRU



BWLETIN MISOL

MEHEFIN 2026




ssce
CYMRU

 CLILC
WLGA

Negeseuon gan dîm SSCE Cymru...

“Gobeithio eich bod wedi cael hanner tymor gorffwys ac yn barod ar gyfer wythnosau olaf y flwyddyn ysgol. Ym mis Mehefin, rydym yn arbennig o gyffrous i ddathlu [Diwrnod y Lluoedd Arfog](#) 2026, gyda digwyddiad cenedlaethol Cymru yn cael ei gynnal ar 27 Mehefin ym Mharc Gwledig Pen-bre, Sir Gaerfyrddin. Bydd yn gyfle gwych i ddod at ei gilydd, dathlu cymuned y Lluoedd Arfog, a thaflu goleuni ar gryfder ac ysbryd plant a phobl ifanc y Lluoedd Arfog ledled Cymru. Os ydych chi'n mynychu, dewch i ddweud helo, a diolch am eich cefnogaeth barhaus.”





Mae hyn yn gyfle i'n tîm gydnabod SEREN SSCE Cymru yn gyhoeddus, a dweud diolch i blentyn y Lluoedd Arfog, aelod o staff ysgol, cydweithiwr gwaith, aelod o'r rhwydwaith neu sefydliad sydd wedi cydweithio'n gadarnhaol â ni neu wedi dangos cefnogaeth eithriadol i blant milwyr mewn addysg a'u cymuned Lluoedd Arfog lleol. Rydym yn ddiolchgar i weithio gydag unigolion a grwpiau gwirioneddol ysbrydoledig sy'n sicrhau bod plant y Lluoedd Arfog yn parhau i deimlo eu bod yn cael eu gwerthfawrogi a'u dathlu yma yng Nghymru.

Seren y mis – Mehefin 2026


Hoffai tîm SSCE Cymru ddiolch o galon i Rhiannon Seymour, 'Heritage Monuments & Historic Memorials Officer' ar gyfer Gwasanaethau Treftadaeth ac Allgymorth Rhondda Cynon Taf, fel ein Seren y Mis ar gyfer Mehefin 2026.

Ers cysylltu â SSCE Cymru am y tro cyntaf ym mis Rhagfyr 2025 i archwilio cyfleoedd ariannu, mae Rhiannon wedi dangos brwdfrydedd ac ymrwymiad gwirioneddol i greu profiadau ystyrlon i blant a phobl ifanc sy'n gysylltiedig â'r Lluoedd Arfog. Ar 23 Ebrill 2026, daeth yr ymrwymiad hwnnw'n fyw ym Mharc Treftadaeth RhCT, lle daeth 72 o blant o wyth ysgol at ei gilydd ar gyfer dathliad gwych Mis y Plentyn Milwrol. Wedi'i gydlynu gan Rhiannon a'i thîm, gyda chefnogaeth SSCE Cymru, Tîm Ymgysylltu Rhanbarthol y Fyddin ac AFLO Jamie Ireland, roedd y diwrnod yn llawn gweithdai treftadaeth, gweithgareddau creadigol, cerddoriaeth gan Fand Milwrol Brenhinol Cymru, a sesiwn ysgrifennu caneuon ysbrydoledig gydag Otto Aday, o Never Such Innocence. Rhoddodd y digwyddiad gyfle i blant gysylltu, mynegi eu hunain a theimlo'n falch o bwy ydyn nhw.

Diolch, Rhiannon, am eich gweledigaeth, eich cynhesrwydd a'ch ymroddiad i blant y Lluoedd Arfog yn Rhondda Cynon Taf.



Rhiannon Seymour
Gwasanaethau Treftadaeth ac
Allgymorth Rhondda Cynon Taf



Lansiwyd menter Ysgolion sy'n Cefnogi'r Lluoedd Arfog (AFFS) Cymru SSCE Cymru yn 2022. Mae ysgolion yng Nghymru yn cwblhau cyfres o weithgareddau a chymau gweithredu sy'n gysylltiedig â Rhestr Wirio Ysgolion SSCE Cymru, gan gynnwys rhai elfennau gorfodol, er mwyn cyflawni eu statws Efydd, yna Arian ac yna Aur. Yr amcanion yw ymgorffori arfer da ar gyfer cefnogi plant y Lluoedd Arfog, creu amgylchedd cadarnhaol i blant y Lluoedd Arfog rannu eu profiadau ac annog ysgolion i ymgysylltu'n well â chymuned eu Lluoedd Arfog.

Y mis hwn, rydym yn falch o longyfarch yr ysgolion canlynol am gyflawni eu statws AFFS Cymru:

Efydd: Ysgol Gynradd Gymraeg Calon y Cymoedd (Pen-y-bont ar Ogwr)

Efydd: Ysgol Penrhyn Dewi (Sir Benfro)

Arian: Ysgol Gyfun Cefn Saeson (Castell-nedd Port Talbot)

Arian (adnewyddiad): Ysgol Gynradd Cwmclydach (Rhondda Cynon Taf)

Aur: Ysgol gynradd Pencoed (Pen-y-bont ar Ogwr)

Aur (adnewyddiad): Ysgol Gynradd Baglan (Castell-nedd Port Talbot)

Aur (adnewyddiad): Ysgol Uwchradd Hwlfordd (Sir Benfro)

Llongyfarchiadau i bob ysgol sydd wedi cyflawni eu statws Ysgolion sy'n Cefnogi'r Lluoedd Arfog Cymru.

Hyd yn hyn, mae 51 o ysgolion wedi cyflawni eu statws AFFS Cymru. Mae 51 wedi ennill Efydd, 17 wedi ennill Arian a 9 wedi ennill Aur!!

ssce
CYMRU

SUPPORTING SERVICE CHILDREN
IN EDUCATION IN WALES

CEFNOGI PLANT MILWYR MEWN
ADDYSG YNG NGHMYMRU



51



17



9

ssce
CYMRU



Cliciwch yma i gael rhagor o wybodaeth am Ysgolion sy'n Cefnogi'r Lluoedd Arfog Cymru

CLILC
WLGA

E-ddysgu SSCE Cymru

Ym mis Ebrill 2024, lansiodd SSCE Cymru ein pecyn hyfforddi e-ddysgu dwyieithog ar alw ar Gefnogi plant y Lluoedd Arfog mewn addysg yng Nghymru!!!

Wedi'i ariannu gan Ymddiriedolaeth Cronfa Cyfamod y Lluoedd Arfog, mae pecyn hyfforddi e-ddysgu SSCE Cymru wedi'i gynllunio i roi'r offer a'r hyder i addysgwyr ddeall a chefnogi anghenion plant milwyr yn eu lleoliadau addysg yng Nghymru, ond gall unrhyw un a hoffai ddysgu mwy am gefnogi plant milwyr mewn addysg.

Mae'r pecyn hyfforddi AM DDIM hwn yn cynnwys naw pwnc a bydd yn cymryd tua dwy awr i'w gwblhau. Bydd eich cynnydd yn cael ei arbed fel y gallwch barhau lle gwnaethoch adael ac ailedrych ar yr hyfforddiant yn ôl yr angen.

Y pynciau sydd wedi'u cynnwys yn yr e-ddysgu yw:

- Cyflwyniad i SSCE Cymru
- Y Lluoedd Arfog yng Nghymru
- Profiadau plant y milwyr
- Addysg yng Nghymru
- Adnabod plant milwyr
- Iechyd meddwl a lles
- Gweithgareddau allgyrsiol
- Cyllid i gefnogi plant y milwyr
- Ymchwil a thystiolaeth.

“Cysylltiadau gwych y byddaf yn eu defnyddio ac yn gynhwysfawr iawn. Roeddwn i wrth fy modd â'r fideos.”

“Mae sawl rhan o'r hyfforddiant yma a fydd yn effeithio ar fy nghefnogaeth ac ymarfer o fewn fy ysgolion.”

“Roedd y clipiau llais a'r astudiaethau achos yn ddefnyddiol iawn drwyddi.”

Roedd 100% o'r cyfranogwyr o'r farn bod yr e-ddysgu'n fuddiol



ARMED FORCES
COVENANT
LLUOEDD ARFOG
CYFAMOD

Gêm nadroedd ac ysgolion SSCE Cymru



Mae tîm SSCE Cymru yn gyffrous i lansio'r adnodd newydd hwn, fel ffordd o gydnabod bod plant y Lluoedd Arfog yn wynebu profiadau cadarnhaol a heriol.

Gellir defnyddio'r gêm yn ystod gweithgareddau llais plant y Lluoedd Arfog neu fel adnodd DPP hwyllog i staff.

Mae'r dyfyniadau sydd wedi'u cynnwys ar y gêm wedi'u cymryd o rai o weithgareddau llais plant y Lluoedd Arfog yr ydym wedi'u cynnal dros y flwyddyn ddiwethaf.

Fe wnaethon ni fwynhau chwarae fersiwn maint llawr mawr o'r gêm nadroedd ac ysgolion yn ein Gwyliau'r Lluoedd Arfog a gynhaliwyd ledled Cymru ddiwedd 2025.

Cysylltwch â SSCECymru@wlga.gov.uk am gêm nadroedd ac ysgolion AM DDIM ar gyfer eich ysgol



Caneuon plant y Lluoedd Arfog

Yn ystod Mis y Plentyn Milwrol, lansiodd SSCE Cymru bum cân, a ysgrifennwyd gan blant y Lluoedd Arfog ledled Cymru mewn cydweithrediad â'r cyfansoddwr caneuon, Otto Aday, o [Never Such Innocence](#).

Mae'r caneuon, a grëwyd yn ystod Gwyliau Lluoedd Arfog SSCE Cymru, yn taflu goleuni ar eu meddyliau, eu teimladau a'u profiadau byw o fywyd y Lluoedd Arfog. Mae'r darnau pwerus hyn yn dal balchder, gwytnwch, cysylltiad a realiti tyfu i fyny mewn teulu Lluoedd Arfog yn eu lleisiau eu hunain 🎵



Adnoddau SSCE Cymru

Cefnogi plant mewn cyfnod o wrthdaro

Mae gan SSCE Cymru dudalen we sy'n ymroddedig i ddarparu adnoddau sy'n berthnasol i gefnogi plant a phobl ifanc yn ystod cyfnod o wrthdaro.

Er bod rhai o'r adnoddau yn cyfeirio at wrthdaro penodol, gellir cymhwyso llawer o'r adnoddau i wrthdaro eraill. Mae amseroedd o wrthdaro ac argyfwng yn effeithio ar lawer o deuluoedd, gwasanaeth a sifil, ac mae cymuned ysgol yn chwarae rhan hanfodol wrth sicrhau bod ein teuluoedd yn teimlo'n ddiogel ac yn cael eu cefnogi yn ystod cyfnod a allai fod yn heriol.

Mae rhai o'r adnoddau sydd wedi'u cynnwys ar y dudalen we yn cynnwys:

- [SSCE Cymru: Adnoddau a argymhellir Padlet](#)
- [UNICEF: Sut i siarad â'ch plant am wrthdaro a rhyfel](#)
- [Childline: Pryderon am y byd](#)
- [Achub y Plant: Sut i siarad â phlant am ryfel](#)
- [Barnardos: Siarad â phlant am ryfel](#)
- [Cymdeithas Seicolegol Prydain: Cefnogi plant i reoli pryder dros ryfel, gwrthdaro ac argyfyngau](#)
- [Place2Be: Siarad â phlant a phobl ifanc am ryfel a gwrthdaro](#)

Mis y Plentyn Milwrol

Month of the Military Child

Ebrill/April | #MotMCCymru

Mae wedi bod yn anhygoel derbyn llawer o luniau gan ysgolion ac awdurdodau lleol, gan ddangos i ni sut y wnaethon nhw ddathlu Mis y Plentyn Milwrol 2026!
Peidiwch ag anghofio anfon eich lluniau at SSCECymru@wlga.gov.uk, fel y gellir eu hychwanegu at wefan SSCE Cymru.

i Cliciwch yma i weld manylion gweithgareddau #MotMCCymru



ssce
CYMRU



CLILC
WLGA

Digwyddiadau i ddod

YDYCH CHI'N GWEITHIO GYDA PHLANT O DEULUEDD Y LLUOEDD ARFOG?

YSGOLION IEUENCTID / CYMDEITHASOL / GWAITH
CYMUNEDOL . GIG . CLYBIAU CHWARAEON
AWDURDODAU LLEOL
CANOLFANNAU GWEITHGAREDDAU

Dywedwch wrthym beth sy'n gweithio!



TAITH WRANDO CANOLFAN EFFAITH

CYMRU

05/06/2026
07/07/2026

CAERDYDD
YNYS MÔN

DARGANFYDDWCH FWY AC ARCHEBWCH
scipalliance.org/events



METHU YMUNNO?
Ffyrdd eraill o ddweud
wrthym beth ydych
chi'n ei feddwl yma

University of Winchester ethics approved: HSE16208



DIWRNOD Y LLUOEDD ARFOG

Mae Diwrnod y Lluoedd Arfog yn gyfle i ddangos eich cefnogaeth i'r dynion a'r menywod sy'n ffurfio cymuned y Lluoedd Arfog: o filwyr sy'n gwasanaethu ar hyn o bryd i deuluoedd y Lluoedd Arfog, cyn-filwyr a chadetaid.

#SALUTEOURFORCES



Cliciwch yma am ragor o
wybodaeth am sut i gymryd rhan

Diwrnod Cenedlaethol y Lluoedd Arfog yng Nghymru 2026

DYDDIAD: Dydd Sadwrn 27 Mehefin 2026

LLEOLIAD: Parc Gwledig Pen-bre, Sir Gaerfyrddin

Eleni, bydd Sir Gaerfyrddin yn cynnal Diwrnod Cenedlaethol y Lluoedd Arfog yng Nghymru! Mae am ddim i fynychu ac mae'n anelu at ddod â'r cyhoedd at ei gilydd i gefnogi cymuned y Lluoedd Arfog.

Cyllid


Cyllid Llywodraeth Cymru

Yn 2026/27, mae Cyfarwyddiaeth Addysg Llywodraeth Cymru yn darparu cyllid ar gyfer tîm llawn SSCE Cymru (Rheolwr Rhaglen, Swyddogion Cyswllt Ysgolion a Swyddog Arweiniol Cyfranogiad). Bydd cyllid yn parhau i fod ar gael i ysgolion ac awdurdodau lleol yng Nghymru drwy'r rhaglen gymorth Rheoli Achosion a'r cynllun grant. Manylion llawn i'w cadarnhau ym mis Medi 2026.



Cymorth rheoli achosion SSCE Cymru

Mae rheoli achosion ar gael i ysgolion sydd â phlentyn Lluoedd Arfog unigol neu nifer fach iawn o blant Lluoedd Arfog sydd ag angen penodol sy'n gysylltiedig ag effaith ffordd o fyw eu Lluoedd Arfog.

 Gweler mwy o wybodaeth yma

Ddogfen cyngor ariannol SSCE Cymru

Mae'r dogfennau hyn yn darparu cyngor gan dîm SSCE Cymru ar gyfer ysgolion ac awdurdodau lleol, i'w cynorthwyo wrth wneud cais am gyllid i gefnogi plant y Lluoedd Arfog / cymuned leol y Lluoedd Arfog. Mae'r rhestr wirio yn cynnwys camau gweithredu a awgrymir i helpu wrth baratoi a chwblhau cais am gyllid. Mae'r ddogfen syniadau ac awgrymiadau yn cynnwys enghreifftiau o weithgareddau y gallai ymgeiswyr eu hymgorffori fel rhan o brosiectau a ariennir i gefnogi plant y Lluoedd Arfog.


Ar gael yma

Sesiynau galw heibio ariannol

Nod y sesiynau galw heibio anffurfiol hyn yw cefnogi ysgolion ac awdurdodau lleol yng Nghymru i gael mynediad at gyllid i gefnogi plant y Lluoedd Arfog mewn addysg.

Sesiynau galw heibio sydd i ddod:

Dydd Iau 4 Mehefin 09:00-10:00
Dydd Mawrth 16 Mehefin 15:30-16:30
Dydd Gwener 3 Gorffennaf 09:00-10:00


 Gweler mwy o wybodaeth yma

Rhaglen Cefnogi Disgyblion y Lluoedd Arfog 2027

Bydd y rhaglen 'Service Pupil Support Programme' (SPS) y Weinyddiaeth Amddiffyn yn dyfarnu grantiau at brosiect annibynnol sy'n cael ei gyflwyno dros gyfnod o hyd at ddwy flynedd, i gefnogi plant y Lluoedd Arfog ar hyd eu llwybr addysgol.

Mae'r rhaglen SPS yn agored i ysgolion, lleoliadau Addysg Bellach ac awdurdodau lleol.

NODER: Anogir ysgolion i weithio ar y cyd a gwneud cais mewn clwstwr.

 Gweler rhagor o wybodaeth yma

Themâu ar gyfer prosiect 2027 yw:

- Cau'r bwloch.
- Cymorth i ddisgyblion gydag ADY.
- Symudedd, lleoli a gwahanu.
- Niferoedd isel o ddisgyblion y Lluoedd Arfog.

DYDDIAD
CAU: 30
Medi